

皇朝藩屬輿地叢書

皇朝詩林卷之四

西域水道記卷三

哈喇淖爾所受水

哈喇淖爾二源東源曰蘇勒河在洮賴河西

洮賴河出嘉峪關南山中

禹貢錐指云嘉峪山一名鴻鷲山穆天子傳所謂天子循黑水至於璧玉之山者也關在

山之西麓

西流折而北又東北逕舊夷目巴喇牧地之西又東北逕牌樓山

山在肅州城西南一百里

又東北逕舊黑番與喇嘛納添巴牧地又東北逕卯來泉

堡北

堡在肅州城西南七十里

又東北逕文殊山西

山在肅州城西南三十里

爲洮賴河蒙古語

謂兔曰洮賴卽漢志呼蠶水也東北七十里逕肅州城西北又東北三

十里逕下古城南有紅水河發南山東北流經金佛寺堡西又東北經

肅州城東又東北經臨水堡西來匯

堡在肅州城東北四十里

合流逕堡北而東北

出邊牆爲天倉河梁份西陲今略云洮賴河因衆水會入從下古城之

左北流出邊其水時消時溢溢則潰決邊牆消則河皆平地是也天倉

河逕金塔寺西又東北逕鎮夷堡岔山界有弱水並合黎山西流來滙

說文作溺水爲正字禹貢作弱水爲假借字今謂之黑河又曰張掖河後儒不知本爲一河分張掖河當禹貢之弱水黑河當禹貢之黑水誤

矣禹貢雖指言弱水原委甚詳且正程大昌以條支媯水爲弱水之訛惟附會後漢書東夷傳及晉書唐書之文謂弱水自居延澤東北流歷

夫餘挹婁而歸又東北入額齊訥海額齊訥即元史之亦集乃蒙古語東海者亦誤又東北入額齊訥海額齊訥幽隱也元史地理志亦集

乃路在甘州北一千五百里城東北即古居延澤也江氏永羣經補義有大澤乃漢之西海郡居延故城以梁州黑水爲今

金沙江雍州黑水爲今肅州黑水言其水自沙漠中南流經黑山下南合白水紅水又西南流入臨羌爲青海之上源青海即西海禹貢導黑

水至于三危入于南海南爲西字之訛松按江氏所指蓋謂今張掖河也源出甘州府城西南東北流至府城西二十里折而西北流復西北

經高臺縣鹽池驛北與洮賴河滙而入額齊訥青海在甘州正南殷化豈能北流入之乎又謂西海流至積石入黃河其謬尤不可枚舉

行西征紀略云康熙三十五年正月議政大臣大學士奏言噶勒丹今

在科布多其勢未張令陝西爲一路期以三月中旬出肅州之鎮夷順

黑河洮賴河合流處前往崑都倫合兵進勦所謂合流處卽岔山矣蘇勒河逕昌馬山西隔山卽洮賴河源

蘇勒河之東有昌馬河導源昌馬山

昌馬山在玉門縣西南玉門縣舊靖逆赤斤二衛地赤斤立於明明大

祖實錄洪武十三年五月壬寅都督濮英兵進至赤斤站卽其地也永

樂二年設赤斤蒙古千戶所按成祖實錄事在十月八年升爲衛按實錄塔

力尼獻賊在五成化十九年爲鄰番所破正德中內徙肅州南山衛城

遂空見明史西域傳靖逆衛立於康熙中康熙五十四年策妄阿喇布

坦犯哈密大軍西討哈密伯克額貝都拉獻西吉木達里圖西喇河地

五十七年於西吉木設赤斤衛達里圖設靖逆衛置靖逆同知領二西

喇河設柳溝所置柳溝通判雍正三年裁同知移柳溝通判爲靖逆通

判仍領二衛次年柳溝建衛改隸安西同知五年改赤斤爲守禦千戶所乾隆七年復赤斤

衛二十四年裁二衛改靖逆通判爲玉門縣靖逆爲漢真安縣地唐因隋置玉門縣元和郡縣志

玉門縣東南一百八十里有石脂水今水在縣東南二百六十里是唐縣治在今縣東八十里至真安之名因於真水元和郡縣志以唐之晉昌爲漢之真安且言真水在界內按元和志旣言於晉昌置瓜州又言晉昌爲瓜州郭下縣則去真水甚遠非漢之真安縣明矣縣城

高三丈周三里三分南北門二昌馬河出山之北分二支東支逕察罕

那木哈之西西支出洞達口各北流數十里而會源處極三十八度五

十分西十九度三十四分

北流分爲二東支注達布遜淖爾

昌馬河北流於玉門縣南渟滙爲湖溉屯田是曰昌馬屯按青海厄魯

特部傳云雍正二年平定青海王大臣善後事宜議云肅州西洮賴河

昌馬爾原作常鄂敦塔拉等處應募民墾膏腴地庶漸致富饒又肅州

新志云雍正十年大學士經略鄂爾泰與寧遠大將軍登即河總督部

於義勘安西柳溝靖逆赤斤諸處地畝凡二千一百六十二石零六斗

官兵所種者三百四十五石零令歸去不給價客民私墾者千八百一

十七石零每石上地給價一兩五錢中地一兩二錢下地一兩歸作屯

田每歲籽種踏實堡千石布朗吉爾

蒙古語水濁也見元史語解今作布隆吉

三百餘石雙

塔堡二百餘石小灣堡六七百石昌馬湖二千石靖逆赤斤皆數百石

是昌馬河興屯事也昌馬河又北流分爲二支東支東北流逕玉門縣

東南腰井子鹽池黑沙窩諸地又東北逕玉門縣東塔兒灣堡西

堡在縣城

東北三十里

又東北流至哈沙圖境入於達布遜淖爾

在赤斤堡東北一百七十里

達布

遜者回語謂鹽也亦曰華海子

華蒙古語黃也

李繩武傳云乾隆十一年閏三

月疏言商夷資木瑚里等帶牲畜乞在哈密貿易肅州鎮臣請於嘉峪

關外華海子牧放查華海子逼近赤靖等處營汛南通青海北接北路卡倫留牧未便蓋海濱廣斥故饒水草海子長一百六十里北與湃帶湖相連其西爲布魯湖布魯湖自北出泉數道東北流經鹽池入華海子自鹽池至華海子路旁有廢城二城旁列廢堠青海厄魯特部傳云雍正二年奮威將軍岳鍾琪偵羅布藏丹津走烏蘭穆和爾分兵馳擊擒其母阿爾泰俘戶畜無算羅布藏丹津偕賊黨分道竄侍衛達爾等擒丹津琿台吉於華海子

西支爲靖逆渠

昌馬河所分西支於玉門縣之南又疏爲靖逆東西渠所謂靖逆東西渠者在縣東曰大東渠在縣西曰大西渠大東渠經玉門城東十里道左右數處發泉匯於渠渠東數十步置軍臺渠經其西又北流旣戶屯

經城北匯於西渠玉門戶屯凡種地五百二十一頃二十畝九分額徵糧二千八百八十九石五斗七升六合三勺大西渠在縣城西一里又北流三十里有泉自縣城西五里來入之是爲頭道溝河又北流有泉自頭道之西北二十五里來入之是爲二道溝河又北流距縣城五十里乃折而西蘇勒河自南來入之

又西流與蘇勒河合

靖逆東西渠既會而西流逕二道溝西北二十里有泉自南來入之是爲三道溝河三道之西半里置柳溝驛安西州與玉門縣分界於斯河又西八里逕柳溝堡北十餘里康熙五十七年初設柳溝所建堡周一里三分高二丈門二兼設通判雍正三年移通判五年升所爲衛次年移治布朗吉爾堡遂廢河又西十二里爲四道溝蘇勒河自南來入之

蘇勒河導源南山

昌馬山之西南有大山蘇勒河出焉當阿里哈里之東五泉並湧源處極三十七度五十八分西二十度四十分

北流過苦峪城東

蘇勒河源出西北流有巴彥山水自西南來會又北流逕小沙塔口西黑嶺東又北流逕景城西又北流逕苦峪城東苦峪者夷言達里圖達

里圖有二相去二百五十里

布朗吉爾城西南九十里至黑水橋橋南二十里爲苦峪城

今於東達

里圖建玉門縣治故謂苦峪爲上達里圖也苦峪城築於明成化中

明史

西域傳不詳築城之年考本紀成化十三年十月戊申復立哈密衛於苦峪谷則築城當在是年馬文升興復哈密記載成化九年事但言苦峪無城字是也而西夷事跡記成化九年事則有苦峪城之文疑以後來地名追書之耳成祖實錄云永樂三年十二月甘肅總兵官西寧侯宋晟言哈密歸附頭目買住察罕不花等二百七十八戶居苦峪里告飢其時未築城故謂之苦峪里猶本紀言苦峪谷也

宏治七

年朝命兵部右侍郎張海等又修濬之城中荆榛充塞僅有頽垣目於
管井汲猶得水城東半里有故剎遺址中有大浮圖一高數丈前列小
浮圖五亦三四丈斷碑沒草尋其殘字曰大興屯墾水利疏通荷籍如
雲萬億京坻耆舊相傳是張義潮歸唐部人所造以述功德一面字勢
不類唐人殆曹義金時作也

又北合於昌馬是爲蘇勒河

蘇勒河由四道溝入昌馬河漢書地理志敦煌郡冥安籍端水出南羌

中

今漢書作南籍端水王懷祖先生曰南字涉下文南羌而衍太平御覽引無南字

西北入冥澤溉民田應劭

曰冥水出北入冥澤

兩冥澤今漢書作其澤懷祖先生曰因冥水所入之澤謂之冥澤其字誤

冥水卽蘇勒

籍端水卽昌馬玉門之北有布魯

縣西北三十里

青山

縣西北七十里又名撓斯圖湖

華海子

諸湖通謂之冥澤

元和郡縣志冥水自吐谷渾界流入大澤東西二古百六十里南北六十里蓋連合諸湖故寬廣若此

者二水各入其澤布魯青山則蘇勒尾間河流既改遷徙靡常
溝東里許有枯河寬百許丈兩岸有衝突形當亦蘇勒故道蘇勒亦曰

素爾和碩特親王察罕丹津傳云博碩克圖濟農

濟農蒙古語名號之稱見元史語解有

子四長岱青巴圖爾次墨爾根諾顏次察罕丹津次根特爾博碩克圖
濟農初以噶勒丹女布木爲子根特爾婦屢使通問噶勒丹康熙三十
五年征噶勒丹獲其使羅壘額木齊及善巴羈羅壘額木齊於宏仁寺
以善巴從我使諭博碩克圖濟農等禽獻噶勒丹逆黨及根特爾妻已
而副都統阿爾達設哨嘉峪關外禽其使之自噶勒丹所歸者於素爾
河曰阿勒達爾宰桑疑素爾爲舊稱今沿訛爲蘇勒矣余歸程至四道
溝柳陰蔽日紅杏花繁流水潺湲環繞村落蘇勒河自是西流十里有
微泉自南來入之是爲五道溝

蘇勒河西過橋灣城南

蘇勒河自五道溝西流五里逕橋灣城南城建於雍正十年周一百四十四丈高九尺門二建城後二年議轉軍饟以橋灣地適中建倉於城東南隅明年兵罷駐都司一人馬步戰兵三百人五道之西五里爲六道又西五里爲七道又西十里爲八道又西五里爲九道又西三十三里爲十道其水皆入於蘇勒諸溝皆微泉並溝盡良田

又西過布朗吉爾城北

阿拉善厄魯特部傳云台吉羅卜藏袞布阿喇布坦者避噶勒丹亂內徙請居龍頭山地康熙二十三年自龍頭山徙牧布朗吉爾二十八年卒以兒子噶勒丹多爾濟統其衆未幾棄游牧遁三十五年大軍敗噶勒丹於招摩多

蒙古語數盈至百謂之招摩多謂樹也言其地多樹一作昭莫多

副都統阿南達設哨

於布朗吉爾之博羅椿濟

蒙古語博羅青
色椿濟墩臺也

敖齊喀喇莽奈諸地

準語莽
奈額也

遣其屬拜格招之次年噶勒丹多爾濟以兵百來歸阿南達卽令於布

朗吉爾設哨是其地也策妄阿拉布坦犯哈密之歲侵吐魯番大軍將

進剿西安將軍席柱請先屯兵巴里坤布朗吉爾並言布朗吉爾可屯

種狀次年六月尚書富寧安勘布朗吉爾及附近之上浦下浦諸處皆

可耕招徠客民一百六戶戶授地二十畝六十一年復議設屯田兵數

雍正元年撫遠大將軍年羹堯征羅布藏丹津冬十二月賊兵三千餘

人來侵布朗吉爾叅將孫繼宗遊擊孫超節率兵迎戰兵旣交副將潘

至善以兵至併力擊破之是年始置安西同知安西衛安西鎮於布朗

吉爾六年皆移治大灣而建柳溝衛九年建衛城周六里三分高二丈

二尺門四乾隆二十五年裁衛置都司二八馬步戰兵五百人近城多

水泉卽漢敦煌郡之淵泉縣也蘇勒河自十道溝西流二里逕其城河
產無鱗魚似鮎熊懋獎西行紀略云黑水橋有一土房內住一老翁捕
魚爲生魚名鐵背魚余買數尾蓋卽無鱗魚之異名也
布朗吉爾水注之

布朗吉爾水源發布朗吉爾城西南三十餘里平地七泉羅列如星漾
爲苴澤是生細柳諺曰柳湖又曰七星泉柳湖水北流分二支一支西
北流經月牙湖東入蘇勒河一支東北流至布朗吉爾城西城之四圍
處處湧泉鍾爲小澤侵嚙城墉僅存雉堞柳湖水挾諸泉北流經城北
分爲三皆東北流滙於蘇勒河河南距布朗吉爾城十里明史西域傳
都督同知李文等檄都督罕慎及赤斤罕東諸部進討兵至卜隆吉兒
川青海厄魯特部傳云左翼境東北自永昌縣界西南至布朗吉爾河
界三千餘里皆謂此水也蘇勒河北岸三百餘里有爛泉山山下溫泉

如湯引以溉田禾則盡稿出山南流而止

又西過月牙湖北

月牙湖水發野馬溝北流十餘里潄爲湖萑葦所叢生也湖之北數里置月牙湖墩蘇勒河自布朗吉爾城北西流四十里傍月牙湖墩北而行

又西札噶爾烏珠水注之

蘇勒河自月牙湖墩而西北岸起小山西行三十餘里而止南岸起大山童旱重疊迤邐西馳凡百餘里至安西州城西南而止南山之東嶂曰土葫蘆溝有水自溝發是爲札噶爾烏珠水諺曰窟窿河北流二十餘里經雙塔堡東半里堡爲雍正六年建周一里一分高一丈八尺東面門一置千總一人馬步戰兵百人肅州新志言窟窿河多大穴上小

下寬盤渦湍急深邃不測牲畜誤入卽不得出或墜石試之莫竟其底

引唐岑嘉州詩注爲證

志載岑嘉州昔蒞烽寄家人詩昔蒞烽邊逢立春胡盧河上淚沾巾注云胡盧河上狹下廣迴

波甚急深不可渡今詩無此注

雍正間沈青崖作詩又云河底有紅柳燒灰故人馬易

墮

雍正十一年西安糧鹽道沈青崖作詩云榛莽初披斥鹵區朽材會不中薪構忽看僵柳如人立智井灰深歷劫餘自注云塞外紅柳根

蟠地最深樵者引火焚之數月不息靖逆有窟窿河地下潛燒灰燼綿延數十里人馬踐之俱墮深塹其小者掘地亦可獲炭數窖

余駐

馬河干溯洄半晌河寬三丈深碧無滓詢之士人言每夏溉田河則盡

涸並無漩穴惟濫觴處往往有潭不盡如志乘所言矣河又北流一里

入於蘇勒河

又西過雙塔北

蘇勒河自月牙湖墩西流十里逕雙塔堡北又西流里許南岸有二沙阜相去半里阜顛各有小白塔是卽堡所由命名也肅州新志云雙塔